

寶應縣志卷十六

人物志

文苑

漢

陳琳

梁

劉勰

宋

趙秀才

明

寶應縣志

卷十六 目

人物志

陶成范石禮施瑛

祁銓祁穩

唐敬

朱應辰子曰莊曰蕙

朱方中子肆夏納夏 吳敏道

鄭化中叔綵弟正中廉之麟爾忠

范嘉議弟嘉楨子曉嘉祉孫之默

徐宗道 王有光郎繼恩等

潘煜如王善繼等

清

趙開雍 陶澂子震蔚

王言綸弟言綽 朱克生子績續

楊燝從孫澤況喬尹度

陳鈺從兄銑 王玟

劉以化弟以任孫師點從弟超師董姪元孫贊勳瞻雲侄

劉家珍子枚從子穎

劉師向弟師寵 湯廷相子啓祚來孫籲

喬崇烈弟崇讓

崇讓子鐸 鄭清乾孫姓 朱經

王箴輿子繼程弟箴翼

箴翼孫閨生 嘉生
姪希方 希蘭
喬 汲
王箴傅
喬兆棟裔孫芬

成 申弟珥弟烈
伯康傅 叔康俊 子原一 族兄王辰 族
王業 璋 從姪光化 族姪曾孫樹 祉

喬 億
朱 賽苗莊
胡幽 劉玉堂 郭楷
劉關 楊鎬 潘學徐 王曉

楊景漣周英族子德堅
楊漸鴻
潘遇莘弟夢舉 夢龍 遇龍 姪恕 郭東

劉 譚喬大椿從姪孫鞏
王箴本 王汙 劉仰桂
朱宗大祺 子應隆 喬方立 劉兆彭

從兄光弼 從子 毓賢 姪孫儀
湯希儀弟希僑 希仁 從弟禧 祺 子應隆 喬方立 劉兆彭

吳文奎
劉傳馨姪贊揆 玉麒 異 姪孫鑫
祁式璟

族兄標錦 寅亮
吳自強子駒 族弟懷卓 卓 子湘珠 族弟明健
湯之桂叔玳

劉履恂子奉集 寶樹 弟履濤 芝集
喬大鴻父其繩 族弟娘
潘昌齡子湘

成載宣父紱 張荔生
吳日鼎
成集成父綬
喬載絲子守 敬

寶 應 縣 志 卷十六 日 二 一 人 物 志

張 策朱傳 芳
潘 詠父槐 庭
王豫卿王世 薈
劉 瑢從弟 瓌

琚 錫朋 湯品三
李蓉慶 朱湛霖

寶應縣志卷十六

人物志

文苑

陳琳字孔璋博學善文長於書檄初爲何進主簿進欲誅宦官太后不聽進乃召四方兵將向京師欲以劫恐太后琳諫曰易稱卽鹿無虞諺有掩目捕雀微物尙不可欺以得志况國之大事其可以詐立乎今將軍總皇威握兵要龍驤虎步高下在心以此行事無異於鼓洪鑪以燎毛髮但當速發雷霆行權立斷而反釋其利器更求外助大兵聚會強者爲雄所謂倒持干戈授人以

功柄必不成祇爲亂階進不納竟以取禍漢遂傾頽琳避難冀州袁紹使典文章嘗爲紹作檄酷詆曹操袁氏敗琳歸操操謂曰卿昔爲本初移書但可罪狀操惡惡止其身何乃上及祖父耶琳謝曰矢在弦上不得不發操愛其才而不咎以爲司空軍諮祭酒管記室軍國書檄多琳所爲操嘗苦頭風一日疾作琳草檄成呈操操臥讀之翕然而起曰此愈我病數加厚賜徙官門下督初文帝不爲五官將及平原侯植皆好文學琳與山陽王粲北海徐幹陳留阮瑀汝南應瑒東平劉楨並見友善植及琳等所謂建安七子也曹植云孔璋鷹揚於河

朔劉勰云陳琳之檄壯有骨鯁雖姦閹携養章密太甚發邱摸金誣過其虐然抗辭書豐傲然露骨矣敢指曹氏之鋒幸哉免袁黨之戮也琳卒於建安未有集十卷

見唐藝文志今莫傳

道光志

劉勰字彥和東莞莒人祖靈真宋司空秀之弟也父尚越騎校尉勰早孤篤志好學家貧不婚娶依沙門僧祐與之居處積十餘年遂博通經論因區別部類錄而序之今定林寺經藏勰所定也天監初起家奉朝請中軍臨川王宏引兼記室遷車騎倉曹參軍出爲太末令政有清績除仁威南康王記室兼東宮通事舍人時七

廟饗薦已用蔬果而二郊農社猶用犧牲勰乃表言二郊宜與七廟同改詔付尚書議依勰所陳遷步兵校尉兼舍人如故昭明太子好文學深愛接之初勰撰文心雕龍五十篇論古今文體引而次之既成未爲時流所稱勰自重其文欲取定於沈約約時貴盛無由自達乃負其書候約出干之於車前狀若貨鬻者約使命取讀大重之謂爲深得文理常陳諸几案然勰爲文長於佛理京師寺塔及名僧碑誌必請勰製文有勅與慧證沙門於定林寺撰經證功畢遂啓求出家先燔鬢髮以自誓勅許之乃於寺變服改名慧地末期而卒今傳新論

十卷文心雕龍十卷文集亡

圖經

趙秀才名佚高郵陳造有與論學書見江湖長翁集

道光

志

陶成字懋學後更敬學成化辛卯舉人時天下承平久文網闊疏孝宗繼之賢士大夫遍中外尤尊禮文學士以故祝允明唐寅輩跌宕踰矩矱成負異才工詩畫篆隸書號雲湖仙人睥睨公卿間雖當路強有力者視之蔑如也然程學士敏政稱其當作意處佻佻類處子拂士非他才士比成又嘗歷居庸關踰上谷入雲中覽山川形勢險易考戰守得失訪退校老卒以可喜可愕可

頌可罵之事蓋是時國家無事所重惟邊防成注意及此有大志迨久不利公車不肯就一官又負其異於衆因輕世肆志焉成雖工詩及篆隸書而工畫尤甚隨意作山水花鳥人物逼肖南宋人得其畫者奉若拱璧然非可求而得也嘗入郡寓某氏園會芙蓉茂甚繪十數紙付主人主人出銀盆以贈成怒索畫盡焚之又嘗偕姪倩朱應登會試距期僅五日買輿至張家灣看丁香花與主人飲歡甚留數日遂不與試應登中式繪丁香爲贈其怪癖多此類同時有范石禮施瑛皆以詩酒翰繪相往還邑人鄭本刁銳摹成筆意皆有名於時本銳

俱別有傳

道光志
者舊傳

祁銓字徵文成化十二年歲貢生

圖經引萬歷志
作成化六年

有經學

通判建昌其子遣使之官銓發書署云恭為德首慎為

行基以此遺汝他非所知及卒貧不能歸葬又祁穩字

文石能詩與同邑劉繼善為友晨夕唱和

道光志
者舊傳

唐敬字志學成化十八年歲貢生性行淳篤有古人風

博學善屬文成一家言官陝西都司斷事致政歸翛然

得林下之趣

道光志

朱應辰字拱之一字振之嘉靖十年歲貢生博涉羣書

才藻橫發與兄應登齊名十應南都試不第益豪放縱

寶應縣志

卷十六

文苑

六

人物志

酒自娛與蔡九達羽文衡山徵明王雅宜寵湯子重珍

稱莫逆交而此數人者行事亦相類文衡山云淮海文

學左氏詩學魏晉其為人慷慨視義所在千金不惜誠

特達有為之士卒不得一雋以死惜哉海內稱淮海先

生著有淮海集子曰莊字子敬曰蕙字子秋皆能詩

道光志

志者
舊傳

朱方中字道光號雪樓邑諸生曰藩子為人澹蕩少謝

舉子業卜居湖上開池治館跨溪越垞結名流賦詩把

酒送老其中有盛世逸民之風著鏡心樓集子肆夏字

晏村縣學生納夏字平津歲貢生並工詩

道光志
者舊傳

吳敏道字曰南有異才九歲能詩文年十二補縣學生同里朱曰藩曰余求友天下四十年矣豈知千里風骨近在家東遂與爲忘年交敏道萬歷三年歲貢生入南監讀書才名藉甚王世貞序其集謂其詩有聲有色不落蹊徑文則翩翩班馬之步蓋詞人巨擘也越河議不決作汜光湖賦諷當道旣不遇築清隱草堂與劉教諭孟夏觴詠自娛號南華山人更作求心賦以見志其時官淮揚間諸長吏多折節下交邑令耿隨龍尤敬禮敏道良辰載酒登松岡或泛舟湖上必與俱又數數過草堂敏道終無所干請鄰人某有罪將鬻女以贖敏道不

忍出所有粟三十斛與之隨龍聞而曲貸其罪女得不鬻賈人被重刑非其罪敏道憫之爲白理官得釋賈人函百金爲壽力却之人因名其亭爲却金亭敏道爲人孝謹與人交循循自下無文人睥睨態一時鄉先生行狀邑有大興除及賢公卿建祠勒碑紀載之文多出敏道手邑之名勝園林野老逸事亦於憑弔贈答諸詩有考焉嘗刲股愈父疾館郡守署中憶母製三湖曲鵲飛曲其辭爲人傳誦又讓田於弟弟鬻去爲更治之當代扁其門曰寰中高士屢欲疏薦之力辭免同治四年有司上其孝行於朝

鄭化中字狄雲得七世孫也少孤叔綵教以讀書寒夜無火擁雞毛覆兩足吟誦達旦萬歷十六年歲貢生仕至平涼府通判所著有聞鶯館集聲調出入唐人爲邑人朱曰藩所褒美而書法亦類曰藩叔綵字崇實年十三中鄉試副車舉鄉飲賓二十七次工詩弟正中字竹軒工畫得者珍惜之又鄭氏有名廉及之麟爾忠者皆

工詩

道光志
者舊傳

范嘉議字道明韶子工詩性忼朗口無卮言不樂仕進父友多列要津要之投牒謝不往逍遙家園遺榮葆光年八十四卒弟嘉禎字道亨嘉祉字道錫子曉字元慧

皆能詩孫之默字仲宣號蘭室幼穎慧事親孝友愛諸弟出於至性吳曰南敏道見而異之妻以子邑令陳燧屬敏道修邑志剪削稍多之默逐事補潤舊事賴以不涇十試南闈弗見錄遂不作用世想工大書日於別墅中拈毫選韻或隨意畫枯木竹石以自娛客至輒設酒饌相娛樂邑中有興除其大夫必造廬請謁人以爲文獻所在焉年六十餘卒卒後歲餘南中有李之實者素無半面交忽投詩泣弔而去著有我有軒集

道光志
圖經

徐宗道字性之少工詩善畫喜遠游北至燕東至齊南至越閩歷名山大川題詠益富嘗覆舟墮水遇救獲免

晚年歸寶應貧落恆不足於衣食栩栩然自得也每集飲善謔浪人爭延致之與王處士士光苗處士嘉生數數杖履過從年八十餘卒詩稿多散逸

道光志

王有光字賓我萬歷四十七年歲貢生授甯陽縣訓導轉臨城縣教諭再轉蘇州府教授有光少工舉子業任臨城時直隸提學御史甯光先試其文爲六十五學之最歸田後留意著述手一編毫而益勤年九十二乃卒時邑人郎繼恩以歲貢官鳳陽府教授文行略與有光同子天廕邑諸生爲人才而賢者

道光志

潘煜如字含仲崇禎壬午舉人授潛山縣教諭寶應自

喬御史可聘後二十二年無登科目者至是煜如及張璫王善繼同舉於鄉煜如嗜學制義爲海內傳誦自潛山歸年七十餘終日手一編不聞戶外事善繼字克孝任青浦縣教諭早卒子康舉康熙壬子鄉試第五亦早卒鄉人惜之

道光志

趙開雍字五紘順治丙戌舉人授兗州推官遷南安同知再遷慶遠知府致仕開雍長於政事所至皆有聲尤喜風雅雖案牘盈積不廢觴詠遷南安時有地僻只愁鄰瘴氣官閑且得看稱花之句爲海內傳誦所著有東魯草嶺北草粵游草歸田後築深柳堂環以清流蔭以

茂樹徵歌鼓柷灑然有隱退之趣

道光志

陶澂字季深以字行晚號括菴其先吳人父鎔徙淮安再徙寶應遂定居焉澂幼負異才於書無所不窺鼎革後棄諸生為五嶽之游海內名流所至結編紵交其最善者新城王公阮亭合肥龔公芝麓蘄州顧公赤方歸則與陳冰壑朱秋崖兩明經喬石林侍讀暨侍讀姪雲漸唱和無虛日詩淵源少陵兼具王孟高岑體格身經兵燹益多變徵之聲為江淮間一大作手貧居無一事千人唯恃硯田給妻子康熙己未以博學鴻詞薦辭不就胸懷夷曠苦吟送老卒年八十八

陶氏家譜作年八十六

子震字

左方邑諸生醇謹孝友有高世致次蔚字文虎官咸陽丞性傲岸詞鋒峭厲以詩語獲譴於上官罷職歸三世

皆葬喬家上新莊

道光志

王言綸字玉音順治初恩貢選太湖訓導言綸丰度端凝工詞翰弟言綽亦嗜讀書鄉人稱二王先生喬御史可聘結真率會言綸與焉年八十餘最長其王泰和有容蔡廣文尚廉朱處士爾弼朱中翰爾遠楊處士士燾胥歲貢文儒劉處士心學年各七八十鬚眉衣冠甚古

道光志

朱克生字秋厓國學生少工舉子業而性喜風雅承凌

谿射陂家學又從兄克簡之燕閩歷名山川多交文學士嘗著武夷山賦工麗聞海內與王都御史士禎汪編修琬程太守可則結詩社里居則與陶處士澂陳貢生鈺相唱酬鼎峙一時克生先卒子績纘並能詩又從孫澤況號俟齋工畫山水詩亦不媿古作者

道光志文苑事略

楊燝字紫虹順治辛丑進士官平涼府同知詩得晚唐

風韻喬尹度字幼宏工詩著陸舫詩集

文苑事略

陳鈺字其相號冰壑歲貢生家貧以教授自給喜為詩

出入中晚唐入與從兄銑齊名治小圃北城下開池種

樹亭館皆覆以茅東與環谿畫川一水相接鈺課讀之

寶應縣志

卷十六

文苑

十一

人物志

外不廢嘯歌銑字淵源號鳩柴邑諸生著有鳩柴集鈺

著有巢園集

道光志

王玟字文玉孤介嫉俗工於詩年未四十而殞疾篤以

詩稿一冊屬友人湯啓祚曰後有知吾詩者錄一二篇

則可以傳矣所著有昌谷詩注世無刊本知之者亦鮮

道光志

劉以化字敦甫號崇菴心學子增貢生工詩邑西有準

提寺以化及同邑喬邁李藻先朱克簡張輿楊燝王凝

鼎結詩社日夕酬倡其中弟以任字重甫號宏菴諸生

性孝友慷慨好施與暇卽遨遊湖山自娛從弟超字漢

章號愚菴諸生能文章又以价字介人號坦菴喜壯遊
忘懷得失詩亦清健以侯字漢臣諸生善詩僑字惠人
諸生日與陶季湯輝祚喬尹度集西浦精舍觴詠其中
姪孫師點字異三號沂濱乾隆甲子舉人官將樂知縣
除弊省刑清節自矢詩自抒所得不事塗飾師董字季
舒號守拙性謹愿有孝行父卒事孀姑如父曰吾如見
吾父也詩能見真性情姪元孫贊勳字子猷號蒼厓歲
貢生博學多文孰於掌故詩亦清俊與吳曰鼎相倡和
著醉紅軒詩草重修寶應縣志辨又有瞻雲字醉樵幼
聰穎十二卽能詩侄字槐叟號渥仙增生能詩

文苑
事略

劉家珍字席待號鹿沙中柱子少擅才藻丰標清粹貢
太學時侍講彭定求爲司業獻上林春墨葵等賦亟激
賞之田侍郎雯亦曰爲淮海僑人父執喬萊陶季輩皆
折年輩聯爲詩友萊修邑志家珍多所贊助年甫三十
歿王懋竑爲文哭之稱其律身應物依於規矩孤行一
意不徇流俗不僅爲詩人著有蠖堂稿藕花書屋集于
枚字甌卜號虛仙工詩畫嘗製小舟榜曰淺水蘆花每
月夜放至東皋雲樹蒼茫有世外之致從子穎字實夫
附貢生六世祖永澄遺書歲久板蝕穎編訂梓行篤於
友朋時形諸歌詠著儲齋詩草

道光志文
苑事略

劉師向字封事康熙辛卯舉人江津知縣內升員外郎未赴卒工詩有韻致弟師寵字越清清河主簿亦工詩

文苑
事略

湯廷相字介子號石菴諸生舉鄉飲大賓鼎革後棄舉子業以詩自適子啟祚字迪宗邑諸生少時有攜課士錄數十藝相試者方食頃而閱竟已成誦邑中問字者以啓祚性峭畏見但以講牘列所疑空其半幅以授門者啓祚卽於空處註明本原引證詳確頃刻千言未嘗架上抽一書也弟輝祚字蔚宗號蘧浦廩生與陳處士鈺爲詩友庶常喬崇烈稱其詩宗漢魏魄力絕大文醇

寶應縣志

卷十六

文苑

十三

人物志

厚淵茂來孫顛字寄園工詩與同邑吳曰鼎喬載絲相倡和嘗葺湯氏先世詩如千首曰還金堂詩萃梓之

道光

志文苑
事略

喬崇烈字無功號學齋萊長子康熙四十五年進士改庶吉士爲人倜儻不羈弱冠外鬚髯如戟工書善畫詩文對客揮毫千言立就因父萊別業在城東名流過從無虛日崇烈遂不復出弟崇讓字致能號楮堂與兄同鄉榜副車體羸弱以畫猿得名尤工北宋人花鳥善八分書惜早卒未竟其學子鐸字元溪號斯齋官夔州府

知府能詩工畫事

道光志文
苑事略

鄭清乾字千子號雪屋諸生纂修家乘及一家言工詩
嘗集介菴精舍偶檢眉山詩水白石邊流出冷風從花
裏過來香句酒醉興高拈筆屬和二十餘聯邑人朱克
生激賞之孫牲字之菴並諸生有學力亦和冷香句二
十餘聯多驚人者舊傳

朱經字叙九號恭亭克簡次子少以名諸生屢困南闈
赴順天試又以兄約宰晉州調外簾同考循例迴避遂
棄舉子業爲人敦學行篤孝友工詩古文辭臨河搆書
齋數楹與一時知名士觴詠其中著有燕堂詩鈔道光志

王箴輿字敬倚式丹孫康熙五十一年進士工詩文書

法以纂修武英殿書議叙內閣中書改河南臨漳縣知
縣雍正四年充鄉試同考官卓異擢直隸冀州知州因
總督田文鏡請仍授河南陳州知州遷衛輝府知府立
泉源書院旅罷歸乾隆十六年迎駕淮北復原銜二十
二年再幸江南進迎鑾詩十二章賞緞二端卒於家子
繼程亦能詩弟箴翼字冰戒號粟亭附貢生少與兄齊
名力學砥行蚤年詩學北宋中年格益迺上騰蹕變化
追逐三唐文取徑經史極高淡之致令人可挹著宛洛
吟在原草箴翼孫閏生字鐵名嘉生字子休歲貢生皆
能詩嘉生成豐元年舉孝廉方正辭不就著有數帆軒

集姪希方字小石諸生詩有真性情希蘭字少亭諸生

幼有至性篤於孝友著有少亭詩鈔等集

道光志文苑事略

喬汲字敏伯雍正元年舉人外舅胡期恆巡撫甘肅執

權要汲在甥館閉門却掃餽遺不通及胡敗有司逮汲

於蕪湖推問累日卒無以坐選吳縣教諭縣令為上官

治屋儲材於學宮汲力爭不可即日挂冠去久之學使

者迹其行事下諸學官著為法汲多聞見勤學不倦卒

之前夕猶次禮記誤文求書是正而歿

道光志

王箴傳字維思懋竑子生十歲能為文弱冠食廩餼試

輒冠其倫輩嘗隨父游京師見知於朱高安張桐城諸

時宰及康熙乙卯箴傳領鄉薦入都投刺而已未嘗復

至其門遂以里居課徒終老箴傳通曉經史而特精於

制藝得方望溪王耘渠直脈設帳累年成就後進以十

數百餘年來邑之主壇坫負文名者鮮不淵源維師先

生云

道光志

喬兆棟字松華康熙癸未進士官西林知縣居官廉介

晚年退隱萬柳山莊吟咏不輟與編修王懋竑交最密

著有冷吟集裔孫芬字穎仲增生性友愛時形諸歌詠

文苑事略

成申字令浚號嵩生循吏康熙壬午舉人申清

操雅量與人交坦然無城府邑某素無禮於申會以事
被誣力爲營求得解而其人卒不知又無賴某乘醉忿
言聞者皆不能堪申笑曰彼醒寧復如是耶登賢書二
十餘年絕不聞戶外事坐臥小室牙籤茗椀外無長物
自六經性理下逮輿地農桑方技之屬無不徧覽尤熟
於史治亂興亡賢奸忠佞娓娓而談昭然若別黑白工
詩與喬兆棟劉中從家珍弟珥相倡和嗜佳山水尤好
訪前賢遺跡輒多吟咏著有浙東逐北諸集弟珥字形
上號鷗與著鷗與詩集伯康傅字澹菴歲貢生性篤摯
能詩叔康俊亦能詩子原一字祖懷諸生善屬文又族

兄王辰號汜湖尉武邑工詩著燕游集族弟烈字闇子
號南川武學生好讀書善屬文尤究心理學歌詠得風
人遺旨家愈貧著益富王業字薛衣號浣初少孤力學
爲文冥心孤往五七言宗大曆間製小詞於花間白石
爲近篤天倫亡兄孤姪屢形諸吟咏年二十八卒著浣
初遺稿璋字禮南號墻東僮自熹勇於有爲嘗赴都
期一官自効不得歸築小園於東郊與劉師恕喬灌觴
咏以終從姪光化字萬含號松筠諸生耆年宿學工吟
咏著汲古亭詩鈔族姪曾孫澍字沛霖布衣能詩著可
軒詩鈔社字介之道光乙酉舉人句容教諭嘉惠士林

尤好表幽興廢勇於爲善工詩著養花軒詩

喬億字慕韓號劍溪爲人美鬚髯善談論以國學生應棘闈試不售輒棄去專肆力於詩五言宗漢魏其近體亦不屑作大歷後語時沈歸愚宗伯主東南壇坫海甯查氏羣從以詩鳴浙西億與之游頗能自樹一幟卒年

八十七著述極富

道光志

朱賽字祈年號南樓諸生

文苑事略作廩生

居東鄉界洵溝足跡

不輕涉城市閉門課子以吟咏自適時邑中詩人咸推喬劍溪先生喬孤峭少許可賽由由與偕不與之爭壇坫然平心論之則如鴻溝湘水各王一方不容軒輊也

著青苔居士集佛影集與賽爲詩友者苗莊字敬甫著一佛居士詩鈔胡幽字于館諸生著芟莊詩草劉玉堂字式爾號雪樞諸生郭楷字士則諸生劉闕字射陽諸生爲人有真性情詩亦如之楊鎬字西寧諸生潘學徐字左坦號雪翎諸生讀書目數行下伸紙揮毫洋灑千言頃刻而就慷慨好施予又好客家以是中落嘗有句云愧無綠酒堪留客再有黃金也贈人可想見其風概學徐外孫王曉字曰暘號晴山歲貢生淹通經史詩宗盛唐著今月編

道光志文苑事略

楊景漣字清兮諸生世居東決溪村修竹數畝中構草

亭性孤介攻苦力學自經史百家旁及堪輿星卜之學靡不研究意所欲吐纏纏千言所不可者雖古人弗屑也具金求文者揮勿納興化任大椿銘其墓曰淮海傳人同時周英字雲白廩生績學工詩文楊漸鴻字蓼村族子德堅字定甫亦能詩時有二楊之目

道光志文苑事略

潘遇莘字季耕乾隆元年舉人初與郭束及劉師翹皆以博學鴻詞薦遇莘後官吳江縣教諭弟夢舉字築夫同科舉人夢龍字禹門同科副榜遇龍字臥南增生姪恕字書思夢龍子副榜皆能詩郭束字元城號沙鹿恩貢生負時望工爲文詩多蒼涼激楚之音游其門者皆

成名宿

道光志文苑事略

劉禛字紉芳歲貢生淵靜嗜讀書少游王維師先生之門文章雅健精密與朱鴈橋野村喬仙圃王念昔澹泉劉象林諸先生分擁臯比迭主壇坫俱名噪一時邑中才雋之士大半皆數家陶鑄而成仙圃名大椿乾隆丙子舉人少磊落膺文望官至河池州知州念昔名箴本爲人淳懿安貧力學終於恩貢澹泉名汭乾隆丁卯舉人官印江縣知縣性伉直爲文邁逸不羈象林名仰桂郡廩生亦負文名二朱自有傳又禛從姪孫鞏原名得天字又曾號筠圃拔貢生少受業叔祖台拱學有根柢

明象緯之學生平未嘗臧否人物築室射陽湖側村樹
溪雲有終焉之志文出入歐蘇詩風格雅近中唐與優
貢生陸聯桂齊名時人稱爲劉陸聯桂字小巖博通子
史詩文得六朝神髓從弟聯杓均雅好著作道光志文苑事略
朱宗大字直方號小射性穎悟幼有神童之目九歲能
詩長爲喬劍谿先生入室弟子弱冠後試輒高等屢躋
名場遂肆力於詩與曾都轉賓谷王太守夢樓朱布衣
一二亭諸人相倡和嘉慶初舉孝廉方正辭不就晚年以
歲貢選金山縣訓導卒於官從兄光弼字左衡爲人敦
睦有族人貧困光弼日節其家食之粟貯布袋中親往

給之從子毓賢字小泉諸生善爲詩尤好歌詠忠孝以
興起後學著珍木軒詩姪孫儀原名同儀字又汾諸生
品誼端正詩亦清才拔俗著又汾文詩詞集多散佚道光

志文苑
事略

湯希儀字汾陽號象亭廩貢生性至孝爲文雄渾精醕
詩亦蒼勁沈鬱弟希僑字緬東號惠軒乾隆丁卯副貢
英姿卓犖工詩文希仁字友門號蓼洲諸生詩清雅有
情致從弟禧字對揚號蘊泉廩生儻不羣廣羅圖史
金石製卜書堂隄糜徧贈友人卜書堂者先世賓所居
賓以諸生入都喬萊劉國馥湯右曾汪懋麟皆與納交

著白晝堂詩集禧嘗構軒亭極幽趣與高郵孫同祁全椒金兆燕儀徵團維鏞諸人觴詠其中祺字次郊號藥房穎異善記誦能詩子應隆字鍾律一字棕笠號魯山增生詩渾厚淋漓嘗與同邑喬大鴻大鈞方立劉兆彭玉麟並弟襄隆合刻敦素堂七子詩大鴻玉麟別有傳喬大鈞喬方立劉兆彭皆以詩名一時著有借樹軒詩集佛香詩鈔襄隆字荆坦一字經園號漢亭增生詩骨重神寒與應隆各臻神妙品行端方謹嚴每晨詣塾雖盛暑必衣冠晚年境益困嗜學益篤

文苑事略

吳文奎字鎔初號環紫家貧嗜學嘗日課徒而夜自讀

書嘉慶辛酉舉於鄉以會試謄錄卽選知縣非所好也益劬學京邸卒年纔逾三十有姑蘇舉人陳鐵哉者以文字與吳締結爲營殮事陳固無女吳臨歿許爲婚數數以書與金唁慰吳子後十年陳與吳門人會於都門嘆息道其事曰予轉幕晉絳日思得寸階繼宗女以配吳子而今又下第已矣吾終負故人矣涕下滂沱文奎書法婉好而性孤峭嘗詠雪云也知遇物有方圓未肯隨人分冷暖蓋自道也

道光志

劉傳馨原名啓元字勗魯號旅齋詹事府主簿從朱上舍澤溟游閉戶探討與喬徵君億相倡和工書畫著愛

蓮居士詩鈔姪贊揆字弼諧附貢生與朱宗大爲詩友然不多作工繪山水善鼓琴又玉麒字仲昭號水樓諸生才調敏捷詩有清致又異字君常廩貢生官震澤訓導博學好古通天算輿地之學手繪各圖以示學者詩亦近選體姪孫鑫原名興號耕山玉麒子蔭主簿性耽吟咏與同邑吳曰鼎喬載絲相倡和

文苑事略

祁式璟字幼平廩貢生少孤事叔如父稱貸以濟叔急率以爲常生平雄於詩文與族兄標錦寅亮齊名時有三祁之目中年好爲考證之學著呂覽淮南子釋音又校方言獨斷諸書皆極精博復從事天文曆算所著未

卒業而歿年甫三十有八標錦字嘯山諸生詩有真性情嘗偕吳曰鼎胡臻禧劉鑫結詩社寅亮字賓甫廩貢生詩才清俊書法師孫過庭求者踵相接郭東水語山房故址寅亮居之署曰答水語軒可想見其雅趣

文苑事略

吳自強字民懷號莆田武庠生以醫游吳楚間工詩著愛荆堂詩集子駒字千里歲貢生工書畫詩宗中晚唐著靜岩集族第懷卓字磊夫號吟道增生家貧力學克敦內行懷卓子湘珠字楚江貢生天性友愛恆形諸歌詠族弟明健字仲威號野樵布衣詩亦真樸

湯之桂字秋林號雲樵恩貢生主講湖南永安書院風

流瀟灑詩古文詞皆冠時工書善畫天性孝友叔玳字海珍號怡堂諸生性耽詩酒友人爲寫桃柳踏青圖一

時名流題詠甚夥

文苑事略

劉履恂字迪九號雲陔乾隆丙午舉人國子監典簿事親孝謹與諸弟友愛有幹事才善拯人困急其學長於考證儀徵貢生劉文淇稱其與從弟台拱人品學問相伯仲山陽王文端廷珍謂履恂詩派原騷選質雅精深綽有神韻樸學家所難著義迹山房詩集秋槎雜記子萃集廩生芝集增生寶樹嘉慶丁卯舉人皆工詩弟履懽字鈞誨所作讀史詩具卓識與室成瑞華倡和最多

寶應縣志 卷十六 文苑 一三一 人物志

瑞華事姑孝姑卒瑞華哀毀死履恂終身不再娶人稱

其義

文苑事略

喬大鴻字儀上號客浦廩貢生父其繩字萬承廩生至孝能詩大鴻天姿英特丰神俊偉論詩讀書析入毫芒飢驅數十年北游燕趙南極荆襄故其詩得山川雄直之氣所繪山水亦蒼勁古峭晚年悔其少作盡棄之著有客浦詩鈔族弟煊字然明操行方雅亦工詩

文苑事略

潘昌齡字祉繁博通經史疏證羣經易有易圖解書有中星考詩有四始品目論春秋有三科九旨禮有郊社考史有擬董仲舒天人三策胡文良所著周易函書昌

齡參訂之力爲多子湘字湧觀號瀟亭廩監生紹家學
工詩游踪半天下歸署楹帖云名利縈心少江山入夢
多著有浙中游草歸途草文苑事略
成載宣字郁伯諸生性樸直有古人風父紱爲處士喬
灌外孫奉所著日省錄以爲依歸故載宣於四子書精
孳徹表裏少嘗從事輿地之學於酈道元水經注疏證
尤詳五十後乃攻象緯凡日躔中心之歲差左右旋之
遲疾五星之順逆留伏高卑盈縮皆能究其所以然再
傳弟子張荔生廩生父碩庭熟於史荔生孝友篤摯著
毛詩鄭讀考年未三十卒

吳曰鼎原名蘭蓀字古亭號射陽湖識字漁翁髫齡卽
工詩與同邑喬載絲潘湘胡臻禧湯敦仕劉鑫湯顛相
倡和道光甲申江淮間大水曰鼎賦詩咏某鹽督有云
破格用人明主意及時行樂老臣心當道探入奏疏宣
廟褫某職時稱爲詩史著有海湖歸來集小南華書屋

詩鈔

文苑事略

成集成字佳木歲貢生父綬性至孝善擘窠書集成詞
章豐贍具磅礴之氣尤長選體生平重然諾處物以恕
撫養諸兄子恩誼周洽恆稱貸以振卹之咸豐癸丑郡
城陷邑中奸究乘機將爲變集成偕邑人朱士恭輩募

丁壯衛戢閭里獲安是年冬郡城復陷潰勇過境集成

率丁壯於要路搜奪軍器卒得帖然

文苑事略

喬載繇字孚先號止巢廩貢生詩詞清空委婉語多性靈文亦醇雅偕同邑吳曰鼎方文炳高郵王敬之夏崑林周叙賡倡迭和與兄載成相友愛每形諸歌詠同邑朱彬撰白田風雅皆國朝詩人載繇探明人詩爲白田風雅前編其婿朱士恭爲梓行又嘗與朱士端范士齡等重修邑志工擘窠書著有妙華仙館詩詞集子守敬字靖卿號醉笙晚號笙巢母鄭歿守敬以優行貢於廷聞耗呼搶欲絕成咯血疾及載繇卒復以應禮部試未

歸故又自號莪生道光八年優貢十七年舉人博通經史百家爲詩古文辭醇粹儒家之言尤工倚聲精楷法遠近乞書無虛日嫻熟掌故邑中表章名宦鄉先正鴻文鉅製大半出守敬手江都汪廷儒葺思古編守敬參考之力爲多同邑朱文定視學安徽客諸幕有以賄賂干者輒正色拒之文定右遷入都鄂沈兩學使復客之先後凡七年節慎潔清始終一轍留別姑熟使署詩云江水能知七載心紀實也性廉謹儉樸嘗舉程子語云餓死事小失節事大故登賢書廿餘載束脩外不名一錢講學之暇惟以詩酒自娛當道有造廬者一刺酬之

而已授徒善誘掖因材成器貧者不受贄且飲食之邑之高才雄雋半出其門著有羨塘文集金陵游草皖游草尺五游草燕游六草壬寅癸丑詩錄東陶漁唱紅籐

館詞

文苑
事略

張策字幼孜號勵菴性豪邁不羈嗜學工詩隱居東郭自署幽棲五所曰議官藏平考證也曰夢莊寢忘物我也曰綠窗曰茶竈曰尋詩處耽風雅也與朱傳芳交最密傳芳字補梅諸生亦能詩

文苑
事略

潘詠字伯琴父槐庭字樹三嘉慶十八年拔貢工畫嘗手繪禹貢儀禮圖詠幼失怙恃育外舅劉鶴家年十一

嘗手竿於地上點畫縱橫戚屬訶其嬉戲諦審之則禹貢山水澤地也又嘗爲九重天圖高卑盈縮如掌上螺紋既長博覽古今天算諸書古歷自三統以下通其義蘊嘗以時憲術推演同治紀元合璧聯珠之瑞凡一義未徹輒思之廢寢食必通悟而後已同邑劉霍作三乘方至十二乘方圖詠參訂之力居多復精輿地之學於水利作籌淮篇尤博奧精深文詞亦樸茂近古詩宗漢魏長於樂府天性純孝每以不逮事親爲痛姊疾事之如母從兄從子調卹之終其身雅好鐘鼎彝器故舊某貧困不自聊輒沽古器以濟之詠澹於榮進噉焉不欺

其志與人交坦易無城府誘掖後進如不及卒年三十

六著有伯琴文存伯琴詩存

文苑事略

王豫卿字康侯邑廩生以父凱泰廕員外郎母卒豫卿適應試金陵聞耗歸及門而仆遂病未幾父歿毀尤甚疾益劇杜門致疴絕意仕進吟咏自適年未五十卒著有雙桂室詩文詞稿讀史備忘又有王世癩者字蓋卿廩貢生力學好義課生徒以性理循循善誘多所成就著有槐蔭堂雜著務本廣訓困學錄槐蔭堂吟稿

劉瑤原名如淵字珮卿晚號槩叟諸生卓犖不羣博通經史於先儒舊說多所是正音均小學尤精審詩詞雅

正少登焦巖題詩未署名傳誦疑爲仙筆性落拓不事生產就家園改築小水繪園名流觴詠無虛日招族之子弟教以文藝能周人之急不足質貸濟之竟以是傾家揚州運使方濬頤延主淮南書局校勘以贍其貧所著不自董理遺稿多佚從弟璩字環卿瑤字墨仙皆從瑤學爲詩賦瑤以詩古文補增廣生著有讀碑草堂詩集又錫朋字躋堂工詩善畫詩撫漢魏名出瑤右畫山水似元人同時湯品三字印卿增生生而能言幼孤事母孝博學工詩與眞州陳燹同邑王凱泰嘗以郵筒往還相唱和晚與瑤共居時稱一門之內兩詩翁著有灌

芝草堂吟稿

李蓉慶字柳衫諸生署睢甯句容訓導少孤事母孝晚年杜門不出日事吟咏並自編其集以貽後人年七十卒

朱湛霖字雨人光緒癸酉科拔貢性篤摯博學能文章工書著有經典釋文疏證古文集評九宜園詩稿